

10435.

DE
ACCURATIORE PHTHISEOS
PITUITOSAE,
SEU
BLENNORRHOEAE
PULMONUM DIAGNOSI,
QUAM
CONSENTIENTE AMPLISSIMO MEDICORUM
ORDINE
IN
UNIVERSITATE LITTERARUM
CAESAREA DORPATENSI,
AD GRADUM
MEDICINAE DOCTORIS
LEGITIME IMPETRANDUM PROPONIT
AUCTOR
THEOPHILUS HEINE,
BORUSSUS.

.....
DORPATI,
EX OFFICINA ACADEMICA J. C. SCHÜNMANNI.
MDCCCVIII.

Imprimatur,
ea quidem sub conditione, ut, simulac dissertatione haec
typis excussa sit, priusquam divulgetur, septem exem-
plaria, quae secundum supremum mandatum distribuen-
da sunt, administrationi universitatis, cui librorum cen-
sura commissa est, tradantur.

D. Lud. Emil. Cichorius,
Anat. Physiol. et Medicinae legalis Prof. P. O.
Censor.

D17784

§. I.

*Blennorrhoeae in pulmonibus acciden-
tis causam ejusque cum phthisi neces-
situdinem commemorat.*

Cum amplissima prae aliis partibus et visceribus integumentorum communium productione, cavitatis suae involucro, potita sint respirationis organa, eadem simul incredibili vasorum exhalantium glandularumque muciparum gaudere multitudine, profecto haud miraberis. Hinc non fieri non potest, quin innumerabilis spiritus ducendi et emitendi latebrae ac recessus, puta vesiculae pulmonales, perpetuo irrorentur lubricenturque secreto in ipsis humore lymphatico. Quae quum secundum na-

turam certisque limitibus circumscripta est secretio, ita nimirum, ut quidquid aeris in receptaculis collectum fuerit vaporis aquosi pituitaeve, ex intervallo cum spiritu nuptum rursus emittatur: tuenda pulmonum integritati prospicit vel saltim eosdem non afflit. Contra eadem, simulatque qualemcunque ob causam modum termininunque semel egressa, tussim refractariam cum sputis copiosis mucosisque fecerit, et ob causam hoc rerum eventu vulgo priorem, (quam equidem prostante quodam phthisis seminio, aut eximia ductuum bronchialium relaxatione contineri crediderim) et in primis ob delectricem excreationis protractae tum in corpus universum, tum in pulmones ipsos potestatem, nequaquam susque deque habenda est. Namque praeterquam, quod temporis progressu vel indolem acrem nactus, qui initio mitis, inodorus et insipidus fuerat, humor excrementitious, contra naturam irritare, arrodere, quin adeo exulcerare, aut nodis illatis deturpare, vel abnormem in modum inspissatus (cujus quidem casus illaetabilis exemplum prae aliis memoratu dignum Warren retulit) penitus infarcire potest bronchiorum ductulos, magno illius dispendio, quod nonnunquam, teste inclito Chalmers, singulis diebus trium librarum pondus exceedere

dicitur, vires humoresque in universum pessum dari, nemo est, qui nesciat. Ne multis quidem insuper ea, quae a perturbato respirationis ideoque vel sanguificationis negotio seorsim pendent, commemorabo incommoda.

§. II.

De morbi blennorrhœici phthisis membrantientis notione accuratius exscribenda.

Etsi vero vel liberalior materiae pituitosae rejectio, quale in catarrhis videmus, haud raro impune prorsus feratur; longa tamen eaque haud obscuro carnis viriumque decremento juncta, morbum sui generis efficit, quem equidem, licet a plerisque, rerum eventum intuitis, ad phthises relatum, cum Frankio et Reilio blennorrhœis annumerare malim. Namque, ut phthisis generatim (sive hanc auctore Galeno qualemcunque corporis consumptionem sive cum Swietenio tabem labis purulentæ problem definiens) a qualibet insigni humorum laudabilium jactura ortum trahere potest: ita seorsim specie

ea, cui inter alios complures cel. Murray et Wielhausen pituitosae cognomen indiderunt, non tam urgente muci exscretione sese prodit, quam potius ex ea demum nimis copiosa et protacta emergitur.

Objici quidem huic sententiae potuerit, quod in antecessum concedimus, haud raro manifesta inveniri tabis pulmonalis verae symptomata, quae postquam per longum tempus immutabiliter constitire, tandem exasperet aut compescat subsecuta laticis mucosi excreatio. At enimvero, hoc ubi accidit, nequitquam cum ea, quae pulmonum a pituita nimis liberaliter excreata repetenda sit, phthisis secundaria, neque cum idiopathicō pectoris rejectamento, sed cum primaria quadam organi affecti labo sputisque mere symptomaticis criticis rem sese habere quis est, qui non intelligat?

Juvabit igitur, ut supra posita satius dilucidentur, ante omnia in veram phthisis pituitosae perpetiam sic dictae notionem inquirere. Hujus quidem ad amussim construendae causa, juxta ominosam pituitae rejectionem, vel ob hanc notam organi affecti vitiositatem corporisque universi colliquationem respici oportet.

Quae cum plerumque recta, rarius autem interveniente corruptela ulcerosa, ex muco morbi causa prodeat, jam dudum celebri Swietenio atrophiae, quam phthisis pituitosae, magis idonea visa est hujus morbi denominatio. At enimvero hac de re medentis parum utique refert; quoniam, cum primum haud obscura pulmonis jamjam vitiati febrisque carnem depascentis inguerint symptomata, de aegro sere conclamatum est. Atqui, quam maxime de singulari ea, quam ad medicinam minus refractariam, incipientem nuncupant; tabis mucosae specie bene cognoscenda agitur. Haec quidem est, quam adhuc intra tussim tolerabilem et sputa sola persistentem, licet in phthisin plus minusve pronam, blennorrhoeae pulmonum tabificas titulo insignire velim.

§. III.

Blennorrhoeae, quam phthisis pituitosae, denominationem morbo nostro aptiore esse, argumentis empiricis evincit.

Fac vero, perinde esse, hoc, an illo nomine utare;

morbis tamen noster, minimum recens natus, a leucorrhœa, fluxu coeliaco aliquo hujuscemodi profluijs, quorum et suppressorum quandoque vices agere solet, modo sedis ratione discrepat.

Eam ob causam, vel constante adhuc pulmonum integritate aegriisque habitu in phthisin minime proclivi, nunquam non parvi duci meretur, quae modo spem, modo periculum ostendit, sputorum copia et indoles. Quantum nempe muco animali, quoad partes elementares a gammatis sinceris proxime distante, non possit non inesse nutricia materiae, Arabum imprimis, quorum pars haud exigua solo fere eo, quem Mimosa Nilotica largiter plorat, succo alitur, exemplis jam evincitur. *Enimvero*, sicut nimiam hujus exsudationem passae ex arescent demum arbores; ita quoque animantium in corporibus deficere non solet, quin humoris illi similis immoderata ob jaeturam similia contingent tabis deploratae phænomena.

Idecirco utique laudari meretur celebris Huxhamus, qui pituitae nimis liberaliter et diu rejectae incommoda ad illos morbos compararet, qui diabetem atque

diarrhoeam longam subsequuntur atque cum vel absque omni labe purulenta post mortem detecta aegros contabescere vidisset, exinde concluderet, phthisis ulceratae exempla generatim minus frequenter accidere, quam vulgo creditur.

§. IV.

De rerum circumstantiis, quae difficultem et interdum fere inaccessam redunt blennorrhœae pulmonalis diagnosin.

Quemadmodum vero phthisin pituitosam confirmatam a pulmonum blennorrhœa, sic etiam hanc ab exscretione purulenta inter nosci opus est. Id quod tamen minus, quam vulgo putatur, facile procedere, primum haud infrequentes periitissimorum adeo virorum hac in re errores extispiciles detecti comprobant. In quibus ipse celebris Murray dum fratrem suum, pulmonum ulceribus tentatum, tabe mucosa laborare sibi sinxerat, de exitiis secuti causa non prius, quam inciso moriui cadavere certior factus est.

Enimvero et ingentem sputi puriformis prodire posse copiam, palmonibus satis integris, Haenio et Swietenio testibus fide dignissimis, concedere tantum abest, ut dubitemus, ut potius, quotquot observatorum propriam aliorumve dexteritatem fortunamque secundam in phthisi confirmata persananda encomiis extulerint, tot eorum purulento laticis expectorati adspectu deceptos, blennorrhoeam pro ulceratione vendidisse, nobis persuasum sit. Interdum quoque suppurationes magnas, absente omni sputo febreque phthisica, pulmones invadere, ut ne multa hujus rei argumenta proferam, solis vomicarum clausarum exemplis jam evincitur.

Huc porro accedit, quod phthisicorum complures de rerum eventu nimis securi, aut non prius, quam ipsorum de salute jam actum est, medentis opem quaerere aut morbi contracti modum reticere scalent.

Quod reliquum est, etiam diversissima puris mucisque a se invicem discernendi auxilia chemica, in quibus recensendis jam alii jucundum otium nobis fecerunt, ob laticis utriusque mistionem, tum aliis in corporibus, tum in iisdem alio tempore aliam, vix et ne vix quidem certi quidquam referre possunt.

§. V.

Differentiae semiologicae, quae phthisin pulmonalem purulentam inter mucosamque intercedit, in media instruenda dignitatem paucis ostendit.

Cum antiquitus in definienda phthisi pulmonali non convenisset inter medicos, nec fieri non poterat, quin diversis morbi hujus in generibus a se invicem internoscendis alter altero majorem subtilitatem aut secordiam ostenderet. Sic ipse adeo immortalis Morton, licet symptomata intuitus diversissimas recenseret tabis species, mucosae tamen, quam partim sub scrophulosa, partim sub asthmatica comprehendisse videtur, nullibi mentionem fecit. Contra diligentissimus Reid priori viro eatenus addictus, ut proximam **omnis** phthisis causam in labie quadam purulenta quaereret; communis phthisis pulmonalis titulo cuncta et singula hujus genera complexus est.

Verum enim vero, hodieque dari nonnullos eosque haud mediocres viros, quibus cum celebri Heckero perinde esse videtur in medicina facienda, mucus largiter expectoratus, an labes purulenta tabis instantis causam attulerit, tanto utique magis miror, quanto minus dubitare licet, fore, ut quam utrique causae accommodatam credunt, eandem curationem aegri haud impune ferant. Etenim, quoniam jure meo viris doctoribus hac in re adversari posse mihi videar, modo nonnullis argumentis ab experientia profectis demonstrare liceat:

- 1) Luculentissimum idque satis frequens medelae ejusdem ad utrumque phthisis genus neutquam aequabiliter laudandae, licet ceteroquin haud raro salutiferae, exemplum solenni adeoque populari methodi lenientis involventis atque molliter nutrientis usu contingetur. Quaecunque enim hue referri debent, dulcia, mucilaginosa, farinosa, et his similia, utut in phthisi ulcerosa cum tussis compescendae, tum aegri servandi vel minimum longius trahendi causa utiliter adhibentur, in pituitosa tamen et corpore universo et pulmonibus majorem in modum re-

laxandis morbum, alias forte minus refractarium, insanabilem reddere possunt. Atque vicissim, quae hoc in genere, sputis ex prostante torpore immorigeris aut suppressis, optime convenient, Squilla, Senega, sulphur stibiatum aliaque hujus tribus expectorantia remedia, in illo tam parum tuta sunt, ut ob ingentem organi adfecti sensibilitatem et novas inflammations facere et inchoatam corruptionem ulcerosam mirum in modum accelerare possint.

- 2) Aliud argumentum idque sententiae corroborandae meae magis adhuc idoneum a remedii bituminosis et balsamicis, olim panaceae instar ad purganda sanandaque pulmonum ulcerationem commendatis, repetendum est. Quae nimurum, si quid commodi in lue tabida praestiterint, aut impune saltem lata fuerint, id absente potius ulceratione ob aliam causam accidisse, ideoque magnopere laudandos esse recentiores viros, qui rejecto et explosio isto veterum praejudicio, summam moderationem cautionemque in resinae Myrrhae, balsami Capaivae et Peru-

viani, olei Asphalti rerumque similiūm usu imperarent, ratiocinio periculisque clinicis evictum est. Cum autem salutaris, quem heroica illa medicinae remedia non raro habuisse dicuntur, effectus causa, ut hodie nemo nescit, quam maxime ad caleficientes et valide excitantes ipsorum virtutes redeat, eadem neutiquam in phthisi ulcerosa huicque juncta stimulorum fortiorum impatientia, sed modo in tabe mucosa et eximia, quam haec supponit, pulmonum relaxatione securam promittere opem, diligentissimo sententiae hujus fautori lubenter subscribimus. Fac igitur phthisi in purulenta, quam medicus forte pituitosam habuerit, incongruis istis tractari remediorum calidorum stimulis; quam valde illis possint augeri et accelerari tum febris hecticae, tum tabis ulcerosae progressus, vel adversariorum testimonii passim confirmatur.

3) Quae porro a virtutis tonicae praestantia in phthisi mucosa nunquam non commendabilem sese praestitit, Cinchona, hujus quidem

sumus saepe in tabe purulenta, praesertim eputis iminorigeris aut inflammatione, etiamsi tantilla adhuc superstite, propter maximum damnum imo etiam exitiale, utique tutum non esse neque commendabilem, testes fide dignissimi perhibent.

- 4) Itemque opium, quod phthisi purulenta laborantibus ad tussim compescendam et somnum adducendum, vesperè praesertim, utiliter prescribitur, in pituita pulmones replente non aliter atque in asthmate ob hanc causam nato, et majorem inferre organi affecti laxitatem et sputa suppressione valet, nisi irritans medicina v. c. senega opio addita fuerit.
- 5) Ecquis denique est rationalium virorum, qui numerosis emeticorum in phthisi pulmonali salutarium exemplis nimis confusis, eadem prostante ulceratione haud minus auspicio, quam pituitae pulmones infarcientis in collivie sputorumque tenacium lentore aegris propinari posse crediderit?

Quae quo facilius novis augeri possent argumenta hactenus relata, eo minus in haec attentos latebit, quanti utique in ipsa medela dextre instituenda, cum phthisi mucosa, an cum alio morbo huic simili rem habeamus, certis et indubitatis notis deponni posse referat. Eorum vero recensus paragrapho sequente continetur.

§. VI.

De propriis phthisis pituitosae incipientis seu blennorrhoeae pulmonum tabificae notis.

In quounque morbo ab aliis examussim internos cendo praeprimis de eo agitur, ut quae accidentaliter in eo evenierint, a constantibus ac perpetuis exquisite ac subtiliter separantur. Similiter in eo, quod accuratius definiendum suscepit, phthisis seu potius blennorrhoeas genere quam maxime opus est, ut morbi vere et simpli- citer talis, non complicati ac degenerati formam et ad- spectum intueamur. Phthisis autem ea, quam vulgo pituitosam nuncupant, nunquam non prior haud obscuris, quae ad phthisin veram pertinent, tabis confirmatae labisque ulcerosae notis, ab iis-

dem quod sciamus, nonnisi cause instar ab effectu dif- fert. Atque cum phthisi pertimescendae ante- vertere, quam mederi confirmatae, utique facilius sit, artifici quoque non tam hujus, quam potius illius, consideranda sunt signa diagnostica. Haec autem se- quentibus continentur:

- 1) Haud levis utique morbi, de quo dignoscendo agitur, a mera pulmonum blennorrhoea, quam a phthisi stricte sic dieta, propius distantis nota jam exinde elucet, si prostante pituitae exscretione reliqua aut complura penitus absint phthisis confirmatae symptomata, quorum praecipua febricula vespertina, sudori- bus matutinis, fixo pectoris dolore, carnis decre- mento, virium collapsu, somno deficiente, insolu- lito sputorum foetore etc. continentur.
- 2) Phthisis, quam blennorrhoeae pulmona- lis, minor adest suspicio, ubi perpetim et largi- ter pituitam etussientes nec ab Aretaeo jam re- prehenso gibbositatis vitio, nec ista diffamata praediti sunt structura, quae habitu gracili ac praelongo, scapulis alarum instar elevatis, pec- tore angusto ac depresso, itemque collo praeter

modum tenui, hominis ad phthisin habitum sistit.

- 3) Morbum in **blennorrhoeis** habendum esse, in propatulo est, si a **gonorrhoea**, **leucorrhoea**, **coeliaco** fluxu aut qualicunque humus tribus profluvio suppresso sputa mucosa prodierint aut cum eodem alternas vices agant. Ita feminas novi, quae fluore albo tentatae, durante vero menstruatione ab eodem immunes, magnam pituitae copiam tussiendo rejicent.
- 4) Si vulgares **blennorrhoeae** pulmonalis causas repicis, haec saepissime ortum sumit a catarrho longo cum eoque facile commutatur. At enimvero, ut in hoc morbi genere tussiendi cupiditas laticis ejecti quantitatem longe superat aegrumque, vel absente febre et marcore, continuo male habet: ita in phthisi mucosa adhuc recente sputa, licet haud absque magno carnis viariumque decremento, tamen cum levamid secedunt, et quoad copiam immensam tussi satis levivit et ne vix quidem comparanda sunt.
- 5) Aliud phthisis, **blennorrhoeam** nondum secutae, indicium est, si copiosissimam pituitae

glutinosae, spumescantis, albae insipidae et inodorae, vel et pro re nata flavescentis, viridis foetidaeque rejectionem neque spiritus difficultas, neque decubitus in latus alterutrum difficilis comitatur.

- 6) Ceterum phthisi pituitosa implicatis vel hoc proprium est, quod, etsi persaepe medicinam omnem aspernantes vitam suam longe satis protrahant, a minimo tamen circa diaetatem admisso errore appetitu privari soleant. Itaque persaepe accidit, ut morbo ad exitium prope rante non tam pulmonem, quam potius ventriculum, pro morbi sede habeant.
- 7) **Blennorrhoeae** jam in phthisin versae signa prostare credimus, simulatque tussis, antehac levis et omni tempore aequalis, post qualcumque corporis exercitationem, praesertim vero noctu et post pastum cum superveniente pectoris oppressione spirituque laberioso mirum in modum intenditur, sputis una quoad colorem et consistentiam alteratis vel suppressis, aut immotigeris. Itemque mali ominis est, si quod ante per omnes partes aequaliter calebat, corpus, quo-

tidis leviter horrere incipit, aut manus vola perdisque planta calorem tangenti urentem offerunt.

8) Raro, sed interdum tamen, accidere solet, ut, morbo adhuc recente, dolor acutus isque simul urens sub sterno aegrum excruciet, sputo una ex intervallo modo difficulter prodeunte, modo acri, spumante passimque sanguinis particulis striatum intermixto aut granulis inquinato. Quibus si praesertim adhuc febricula supervenerit; peculiarem quandam pulmonis labem, maxime tuberculosam, seu blennorrhoeae praecursorem comitemve haud perperam supponimus.

9) Etsi denique, ut jam supra annui, quae circa puris mucique differentiam indagandam facta sunt, pericula cum recentioribus harum rerum arbitris, Gotthardo et Mirabellio, dubia et incerta habemus; restat tamen aliquod signum, quod cum aliis conjunctum, ad ipsam accuratiorem, quam desideramus, blennorrhoeae pulmonalis diagnosin, symbolam suam conferre posse, equidem haud prorsus negaverim. Nimurum puris magna est in fermentacionem acidam putridamque proclivitas; quum contra mucus, praeterquam, quod vel diutissime servatas omnis acoris experientem sese praestat, lento quoque pede ad patrem dinem vergat.